


A Monthly Christian Magazine

AN ORGAN OF THE ZOU PRESBYTERIAN CHURCH SYNOD

Khristian Tangkou

Vol. 54 || No. 05

May, 2018



Editor: Rev. Stephen Chinzathang

Synod Kumpoon: **"Pasian thuguh kem"** (I Korin 4:1)

Khristian Tangkou

Vol. No. 54 || Issue No. 05 || May, 2018

Editorial Board

Editor : Rev. Stephen Chinzathang - 9863042789
ct_stephen@yahoo.com

Joint Editor : Rev. Khamchinkhai - 8730933744

Cir. Manager : Upa Jamsianmung - 9862086615
sianmung@rediffmail.com

Bus. Manager : Upa Kamgenpau - 8974612937
Shie T. Ginzahau - 8974438842

Cont. Editors : Upa Khupsuankham - 9856406454
Rev. Awnkhankhup - 9862828921
Rev. Dr. Hangpi Manlun - 9862910875
Rev. Kaimuanlal - 9862923960

ZOU SYNOD ULIENTE

• Moderator:

Rev. Awnkhankhup

• Moderator Elect:

Rev. Dr. Hangpi Manlun

• Secretary (Sr):

Upa Er. Thangchinmang

• Secretary (Jr):

Upa Liensuonkap

• Treasurer:

Upa Chinsuanthang

• Statistician:

Upa Khaihenthang

• Executive Secretaries:

Rev. Stephen Chinzathang

Rev. Khamchinkhai

A sung thu

- Editorial..... 01
- Thu tuomtuom 02
- Report 04
- Khantan hoi dei-um 07
- Hagau Siengthou Hamuontu 09
- Pentecost Sermon..... 10
- Sabbath maw Pasianni? 13
- Thupil theituohte..... 16
- FIFA World CUP..... 18
- Hagau Biehna 21
- ZPWF Cumlumn 23

Copies - 1100

AMAN

Kumkhat ah	- ₹	100.00
Post ah	- ₹	200.00
Copy khat ah	- ₹	10.00
Life Member Fee	- ₹	1,000.00
Patron Member Fee	- ₹	2,000.00
Memorial gift	- ₹	2,000.00

Thusuo zosie Editor leh Zou Synod ngaidan ahi kimsih a, a suotute'n maw a kipuoh chiet ding uhi.

Thusuo dingte Editor kung a pieh ding ahi.



Editorial

Khristian Tangkou Simtute zousie Mangpa Jesu Khrist min toh chibai hoitah ka hing buh hi.

Tu in Pentecost Sunday ahing tung pai ding ahita hi. Tuana ah ei Presbyterian Church of India bawl ngaina bang a Assembly Day of Prayer chia izah zel uh ahina toh na unpi un Pentecost leh Assembly Day of Prayer chibai zong ka hing buh hi.

Mangpa Jesu in leitung anuasie hun a anuazuite lung havai tah a aum uh Pasian nasep silbawl theina zang a Khristian te suhgenthei a um tamkhop tah zong i tenna gam pumpi ah zong ahing tung pan ta hi. Gingtu ten tutung Pentecost Sunday Mangpa'n a nuazuite inndan tungnung a hagau a hangsanna apiehna nikhuo ahi mabangin hangsan ahunta hi.

Tam leitung, hamsatna gam ah gingtute a ding in lungkietna tam tah zong a um hi. Peter nangawn in zong a maban um nonlou thei bang a um in kei Lensep/Ngabeng in kuon tavang achi ta moh hi. Ahin eite zong lunggel tah a um in lungkietna leh kingai sietna zong tam tah um va, innsung ah, nasepnate ah leh Gingtu hinkhuo ah um van hilezong, hanchiem kia va ui tam teng toh Mangpa ah hamuonna tha toh thoukia in eisang a mangthai zawte a dingin pan latha vau. Pasaian muonngam pen a nop a umsih a zong piehdoh ding leh Ginna toh kalsuon ding tam tah um ahiziehin ponthaw vau in Mission nasepna Hagau siengthou hamuontu beel in pan latha va ui.

Mangpa'n simtute na unpi un hing hamuon in hing guoljawl taken.

Thy tuomtuom leh Thumpi dingte



1. Amasa'n i Khristian Tangkou deithaw huoitah simtute leh Sermon hing gel piehte kung ah lungdamthu igen masa uhi. Ina suosa mabang un khochin Patron memberte chilou adangte hing kibet (paste) manlou ding ahi chi ana thei siem a, akal a list umbang a Agenten a list dungzui a ana hawm sieusieu dingin ikingen uhi.
2. **Missionary Day:** Pasian hoina leh mapuinate muongkawm in kumtenga ina man zel uh i gam a KHANTANHOI VAH hing tunni May 07, 2018 chieng in Hattuum chin in anuomthei pen leh a lohthei pen a zang leh mang dingin iki ngen uhi. Khum ni pen Pasian hagau pawlna tang chiet dingin kisakhol chiet va ui.
3. **Synod Year Planner** umsa bang in May ha sung a Hattuum chin a NIPOIMAW ineite tam anei bang ahi. Thum kawm in anuom theipen leh amanpha theipen a zang leh mang din kisakhawl chiet vaui.
 1. Missionary Day May 07, 2018 Hattuum chin
 2. Pentecost Day May 20, 2018 Hattuum chin
 3. Sunday School kumkim exam ni May 27, 2018
4. Dated 23rd April 2018 niin Zou Synod Office ah Laymen Basic Training School 1st Batch 2017 May ha a ana kipan a April 23 niin class nukhia pen (last class) kinei a April 24-26, 2018 kumtawp (Final) exam kinei hi. Pasian hoina kilamen kawm in May ha a Session tha 2nd Batch kipan ding hi. Ama thuzilna a i phattuompi chiet na ding un student tha dingte leh Lecturer tha dingte a din thumna toh bawzui chiet vaui.

5. **Presbytery vaihawmna** thupieh dungzui leh Presbytery thaneina bang in Hattuum kemtu Upa teel na aum a, Result tam anei a bang ahi. Maban ah tahsa, hagau a tena nempai maituo tou ding ahi ua, Pasion khut hat a kepbit ahitheina ding un Hattuum leh mimal chinten inichin thumna uah bawzui chiet vaui. Mangpa'n mapui in umpi chiet taken ...! tuni tan a telching a um kithephadan tam anei a bang ahi.

Min	Hattuum	Hina	District	Presbytery
1. Pu Kaithang	Central Church	Elected	Central District	MGP
2. Pa T. Dousuanhang	Central Church	Elected	Central District	MGP
3. Pu Khamzalam	New Zoveng	Elected	Lentang District	MGP
4. Pa Khamlienmang	New Zoveng	Elected	Lentang District	MGP
5. Pa Nangdoulia	Thingkangphai	Elected	Lamka District	MGP
6. Upa Zamkhokam	Thingkangphai	Re-instate	Lamka District	MGP
7. Pa M. Zamkhotong	Aina	Elected	Central District	MGP
8. Pa Ginzapau	Aina	Elected	Central District	MGP
9. Upa Dongzathang	T. Tangnuam	Re-instate	Central District	MGP
10. Pa Sanglienlal	T. Munnuam	Elected	Gunpang District	MEP
11. Pa Lienminthang	Awnchinkapkhua	Elected	Central District	MGP

6. 14th Synod Session thunuasie bang leh 1st SEC R/No.5 dated 5/12/2017 na phasah bang in District lieng a khawmpite ahun lephana nei ahia, tam anei a bang ahi.

1. District PYF Khawmpi October 5-7, 2018
2. District Khawmpi October 12-14, 2018
3. District PWF Khawmpi October 19-21, 2018

7. WUSHU Gold Medalist Kipahpina:

Dated 29th April 2018 niin Mr. Khaiminlian Zou s/o (L) Haukhanpiang in 2nd ALL INDIA POLICE JUDO CLUSTER CHAMPIONSHIP (WUSHU) April 17-21, 2018 I.G. STADIUM, New Delhi under 56kg. Men Wushu Sanda nuoi ah Gold Medal la a, a tenna mun Awnchinkap Khuo ah thupitah a vaidawn in um hi.

.....

REPORTS

GUNPANG DISTRICT TOUR REPORT.

Dated 9-15/4/2018 tan Gunpang district in district lieng ah tour Programme nei ahia, tuonah kikhop teng in Upa Hemlun (Chairman) leh Pa Kappau (Secretary) in puitu hina la in tuonah Rev. Langzathang (Bieltu Pastor) P/P. Kamminthang, Sye Sianminlian, Upa Jamgenthang, Upa Lianngaithang, Evan. Kamchinthang ama uhte apat tahsa leh Hagau lam a phattuompi ding thu manpha ngai khiet ahiban ah, kikhop tawp chin in Pasian thu a houlimna akinei a, tualeh Pasian mapuina toh date 15-4-2018 nitah a Progrtamme zaw ahitah man in kihengla pumpum in date 16-4-2018 Jingkal in Pasian ahing pieh mopuohna tuomtuom sem ding in kikhen na nei ahita hi.

Reported by: Pa Kappau, Secretary (GPD)

P. SALEM PRESBYTERIAN (GUNPANG DISTRICT, MEP) REPORT.

Suolam District aum P. Salem Presbyterian Church Hattuum ten apeisa date 29 March apat 01, April 2018 tan dai in Speaker in Upa K. Mangpu Sangaikot zang in Good Friday leh Easter Sunday akimang a, Hattuum nu leh pate tahsa leh Hagau lam a phattuomna lienpi ka nei uhi. Tualeh Saturday date 30-3-2018 nin (time) Dah 9:00am apat 12:00noon tan Seminar in kazang uhi. Seminar zou in (Bawngtal) khat kithat in Annkuong innkhawmna ka nei uhi. Kipah ing

Report by;

Pa Mangliansat, PYF Secretary.

ZOUTANG PRESBYTERY REVIVAL CUM SEMINAR REPORT

Amasapen in tam Revival cum Seminar report pethei ding a hunhoi leh damna hing pie ibieh Pasian min kaphat hi.

Hing suhalkiata in. Late No. 85:6 chi thupi a nei in apeisa 13-15 April, 2018 sung Presbyterian Church Singngat (ZPCS) Biehinn ah Rev. Dr. Hangpi Manlun Speaker leh Resource person a pang in Seminar paper

3 a hing lahsah in, tualeh Probationary Pastor Stephen Khupsianlal in zingmawng 2 a Devotion puitu hina hing pansah in vaiguon zousie Pasian mapuina toh manphatah leh lawchingtah a zaw ahi.

Mangpa'n thupina tangta hen.

Reported by;

Upa Kailian

Sr. Secretary, Zoutang Presbsytery.

PRESBYTERIAN CHURCH OF INDIA, MUALLUM CRUSADE REPORT.

Amasapen in Crusade Report pethei ding a tambang hunhoi leh damna hing pie Pasian kung ah nuomthu ka tut hi.

Laisiengthou “Tui leh Hagau a na pientha ding ahi” (Johan 3:3) chi thupi a nei in apeisa March 29 - April 07, 2018 sung in The Presbyterian Church of India Muollum (ZPCS) Biehin ah Rev. Dr. Hangpi Manlun Speaker a zang in Crusade Programme poimawtah nei ahi.

Mipite kilawp dan

Hattuum mi khopi sung a umte leh singnuoi, gammang a nasem a umte in zong tam vaiguon um ding thu azah tah un amau mimal/innsung kin poimawte leh ahiem aheipi te uh gamnuoi ah nuasie in innlam ahing del vevo uhi. Tuachin Hattuummi koima khuolz in leh gam a potdoh umlou in kilawptah mai in Crusade kimang hi.

Hagau sieng thopna

Atangpi in kikhop pangai hun dangte ah thugentu Sermon minute 20/30 lah vel bang ang hileh kiningtel in ana kichim tah thei zel hi. Nan leh zong tutung Crusade vai ah Thugentu (Speaker) zong Pastor in nasatah mai a zang in, naikal 1/2 thugen a adinlai in ama zong gim leh tawllou in a basam hetsih a, mipite in zong kichim tahlou, tuachiin Pasian thu leh Laa ah aki tui thei mama mai hi. Hagau siengthou

thopna leh pawlna khat kitang hilou amah chi thei ding khop hiel in lim leh nuomtah a hunzah ahi.

Vaiguon zahdan tangpite

Zingkal nai 6:00am-8:00am tan devotion hun hawmtho tahmai a zah ahi. Suun hun vai kikhopna nai 10:00am-12:00pm tan hundamna thu step by step a kihil in manpha tah a hunzah ahi. Suun nua nai 12:30pm - 1:00pm kikal pen mipite kihuha kawm in (Tea Break) ningtui kidawn khawm hi. Nitahlam nai 1:00-3:00pm tan counselling Class peipi tou zel in zaan hun kikhopna pen nai 6:00pm - 9:00pm tan vel hun kijang tangpi mai a thei ahia, Pasian mapuina toh lawchingtah mai a Crusade vaiguon zaw ana hita ahi.

Mangpa'n thupina tangta hen, Amen!!

MANGJING MISSION FIELD APAT REPORT

Pasian hepina leh deisahna jal in dated 29/4/2018 ni in Mission Field incharge Rev. Khamchinkhai leh Upa H. Nengkhai in Field visit na hing nei uhi. Bieh kikhop hun sungin Rev. Khamchinkhai in Puitu hina la in Upa H. Nengkhai in Pasian thu hing genna nei hi. Bieh kikhop hunsung in mi thum in Baptisma tang uhi. Tualeh Bieh kikhop zou in Biehin sung ah pindan a kikhutsuina Pa Sanjoy leh Nu Khubi te in damsung a khat hiding in Pasian min in Pastor pu in gawmna nei hi.

Baptisma tangte:

- (1) Nu Khubi w/o Pa Sanjoy. (2) Obed Sana s/o Pa Sanjoy.
(3) M. Hatneihoi d/o Pa Ginsuanthang

Reported by;
Sye M. Ginsuanthang
Mangjing

KHANTANHOI DEI UM PEI ZEL IN

- Rev. Awnkhankhup

Jesu Khrist thupieh bang in Jerusalem apat Judia leh Samari gam khellam Jeite kung ah zong Khantanhohi dei um hing tung hi. Ahing kipat dan tambang in akigen hi. Welsh Mission Calvinistic Methodiest Hattuum sawl in, Dr. Peter Fraser leh azi toh Mr. Watkin Roberts khu October 1908 in Aizawl zuon in hing kuonkhia uhi. Tuachia Aizawl ahing tun tah un kum 4 ana umsa Missionary te khutsuoh Lusai ham Gospel Johan bu 104 lei in, Mizogam leh Manipur singtang gam a hausate kung ah a hawmkhia uhi. Sevon hausa Pu Kamkholun in tua laibu leh asung a thu umte hoisa a thei belap a ut ziehin, tua laibu peh a kigel louna mun awng ah “Pute aw, nang laibu pieh uh a thu umzie hiltu ding umlou in law ding dan ka theisih uhi. Tuaziehin, nouma hing pei unlen, laibu leh na Pasian tanchin uh hing hil un” chi gel in a thotkia hi.

Tua laibu leh a sung a thu kigel belapte amu tah un Aizawl a misionary te kipahna in dim ua, ‘Makedonia Hatna’ bang a ngai in, Aizawl khopi a laisim a um tangval 2 Buoltang khomi Pu Thangkai leh Maite khomi Pu Lungpau te panna in Pu Savawma, Pu Thangchhingpuia leh Pu Vanzika toh Mr. Watkin Roberts in March 3, 1910 in Senvon zuon uhi. Senvon ah Pu Roberts in Pasian thu gen zel a, March 14 in Aizawl ah kilekia ta uhi. Akilekia lam uh Vervek khuo atun un Pu Thangkai leh Pu Lungpau in Jesu Khrist gingta in hundampa in pom ua, tuamun mama ah a ngawng ua kipan a ohlai uh amul sutkhie in Manipur Singtang biel a Khristian masa pen ana hita uhi.

Manipur gam sung a Senvon a Pasian thu puolut ding alungsim ua vei tinten ahiman un, Dr. Fraser in a chawm zillai 50 te lah a mi 3- Pu Savawma, Pu Thangchhingpuia (Taitea) leh Pu Vanzika te kipekhia uhi. Tambang Aizawl apat Khantanhohi gen ding a hing kuonkhie mi 3 te May 7, 1910 in Senvon hing tung ua, Kawnzar mun ah ummun bawl uhi. Khristian hing kibelap zel in semtu leh Hattuum hing pung a, Thadou kuki Pioneer Mission nasepna hing kipan kheta hi. Tuahun a pat kum 50 zou 1960 in NEIG Mission Leaders’ Conference in May 7 pen Missionary Day a zat ding in ana namkipta hi. Tam pen Manipur Simtum gamkai (Southern Manipur) a Khantanhohi hing lutdan tangpi ana hi hi.

Tuachin, Aizawl atunkia zou un Alelam ah, American Baptist Mission

apan Rev. William Pettigrew, kum 1894 in Imphal hing tung a, a kum kia in Ukhrul ah na sem hi. Meitei Lengpa toh thukimna bawl in, Meitei lah a tangthupha genlou ding a chiban uah Manipur a ABM (America Baptist Mission) chilou Mission dang umsaah lou ding ana chi uhi. Tambang ahilai in, i gen sa bang in kum 1910 in Senvon apat Khantanhohi hing dalzah in khuo tamtah a Hattuum ahing dingkhieh tah ziehin kum 1914-1923 sung in Sorkal leh khosung hausate apat gingtuten sawina ana tuoh uhi. Kangkap ah inn 11, Vokbual ah inn 6, Sialbu ah inn 17, Singngat ah inn 3, Behiang ah inn 6 suhsiet sah in ana um uhi. Tam bang a South West Hills- Churachandpur S.D.O Pu BC Gasper thupieh bang a Khristiante innte phelsiet ahilai in, a inn tung khu uh phelsiet a um pasal khat alupna tung a thallup kawm in Labupi No. 109 na a ‘Gamchin ah Kross shina thupha’ chi a guol 3 na “Kalvari pan khuo hing vah hen’ chi la asah leh, apa’n zong ‘Vah sa seusou ma hai e’ achi hi chi in tunitan in tamthuh ana kigen zing hi.

Tam bang in tuipi gal mun gamla tah

apat Jesu Khrist Khantanhohi eite lah ah puolut in ahing um a, Sawltah Paul in ana gen “Hamuonna Khantanhohi leh, silhohi kipahhuoi hing tut mite kalsuon khu kilawm hina e” chi ahing dih mama ta hi (Rom. 10:15). Unaupa T. Pumkthothang in la in tambang in ana phuoh hi.

Tuon a simthu sut lei maw tuol i niem simthu,

Theiphahlou selung mawlte ihi;

Tung Pasion itna vang in, eidin khuo ahing vah,

Tun a tate hi hai e.

Itna thu saang sihlei maw bang i suoh diei maw,

Mangpa itna lien in sang na e;

Ju leh Va bang gamnuoi a vahvai a i um lai,

Itna toh hing suikheta.

Tambang teng thu ahiman in, Khantanhohi hing tun ni May 7 khu Missionary Day chi in i mang a, Pasion itna thu hing phuoh Missionary masate zieh a nuomthu gen in, eite mabang a Khantanhohi khovah mu nailou gingloute a ding a thum in, Missionary tamsem sawlkhe ding in pan la tha va ui.

HAGAU SIENGTHOU KOUTE HAMUONTU (Johan 14:16-17; 26. 16:7-8)

- *Upa Khupsuankham*

Tam thupi khu Muoltunga thugen ahisih a, laibu a gel zong ahi sih hi. Hinanleh mihing khat in haguesiengthou atang a, a theina apatsa a ngaikheteh leh asimtelte a ding a phattuomna neitah ahi ding lam-et a gel ahi.

Oswalch J. Smith in misiem mipilte Sermon hagau mihina neiloute thugen Sermon in hagau mangthai Khrist kung ah apui sih a, tam khu kigen lei hinkhuo kum 1968 in heng lamdang ahi achi hi. Comforter/Hamuontu chi thumal in Haguesiengthou nasepna chikhat akawh a, tua khu lungkhamte kung ah, muolphoute kung ah, suhgenthei a umte kung ah, zauthawngna mun a umte, silmot huoina mun a umte leh adangdang akawh giap ahi. Hagau siengthou khu koi e? Ama khu Pasian a thumte lah a khat, a thumna khu ahia, atha ahing um hinna petu panpitu, thuhiltu kilangsaktu ahi. Tami in ikhelinate angtel guot ahi. Ama ah silbangkim a um a, ama munchin ah a um, ama khu silzousie thei ahi hi. Ama jal in thutah khu suhging ahia, mihing hinkhuo ah nna asem hi. Tua hagau siengthou khun Mangpa Jesu Khrist ahina ah anasepna poimaw a, lailung hina tang in Pentecost masang leh anua in zong nuazuite lah a nasem in tutan in eite lah a zong anasep a sunzom

nalai hi. Aman Pasian Lenggam thute leitung a laibu leh Comics te ah tangkou in lungkham genthei a i umlai in zong hing hamuon in ang panpi a, iginnate hatsah in khovel lumlet sieng khop hiel in lungtang a lumlet a, Pasian umpina leh hoina ang musah hi.

Hattuom Khantanhoi thupi a ledan bang a hingzing, akallah chieng a hatzoulou ahi ding bang hizou senglou leh nuatol i chi hattuom khu Pasian siengthou silbawltheina, ngaisahlouna leh suhmuolphouna ahi. Khovel thupina in Hattuom alahmang tahziehin Khristian hinkhuo ah kipumpieh atawm taseng a, Hattuom khu awlnou nou in shi lam ama naw hi. Leitung khosah nopna in Hattuom sienthouna leh silbawltheinate khukhum in, Pasian loupina kilah zoulouna ding mun ah koi in aumta a, Hattuom in athupina asulang zou tasih hi. Hagau mangthai lainatna zieh a kipie Hattuomte awl nounou in anuoi kiehta hi. Tuajieh in Hamuontu, Panpitu Haguesiengthou a poimaw

a Hagau siengthou Hattuumten ingai in sildang teng sang in ipoimaw uhi. Tua ahileh Hattuum khu asilboltheina a kithuom in atung uh utnate tangkia in akhang ding bang a khangin Pasian thu atangkouna ding a Jesu Khrist in nasep dan ding ana piehte bang a sem Hattuum khu a moupa Khrist mai ah siengthouna leh mel duong hoina toh a dembeina toh chitlouna neilou in a moupa Khrist a mai ah ama leh ama akila ta ding hi (Eph. 5:7).

Hagau siengthou tun theina dingin condition dan anei a tua khu thumna leh hagau siengthou ngai a lungkhamna, lunghelna chite jiehin hagau siengthou a ding thei hi. (Nasepte 1:14: 4:1). Pasian misiengthoute hagau siengthou ngai a lungsim leh ngaituona kisiengsah chieng in hagau siengthou nasepna

loupitah a tung ah Pasian aki susiengthouna khu Pasian silbawl lamdang tah in azui jel hi. I lungsim lungtang guom kuo leh tuilam zousie suhsiengthou in hagau a i dangtahna zousie sunou ding in Pasian thu iman lounate khiel kisia na nei in Mangpa kichiemna kei hing han un tuachin kang dawng ding a, sil thupitah na mu ngailou silte kang ensah ding hi (Jer. 33:3). Na dei taphot ngen inlen amu ding bang in na mu ding hi. Tuachin hagau siengthou panpitu eite hing enkolzing guoljawlna tampi toh hing guoljawl in tuachin midang te ding a guoljawlna ahi ding hi. Aw Hagau siengthou mei leh hui bang in khiel a ka kisia mateng in hing leng inlen kipahna tha hing tun kia in tam khu koute poimaw leh kang nget ut uh ahi. Aw panpitu aw panpitu hagau siengthou na nuazuite hing petha in!

PENTECOST SERMON

- Rev. Dr. Hangpi Manlun

1) Thumapui.

Pentecost chi khu Grik hamin sawmnga (50)-china ahi. Peikan kut a kipan a sim a sawmnga china ahi. Tualeh, Hagau Siengthou hing tunding/kum ding khu Jawlnei Joel in, kum zabi 4-na hunlaiin anama genbangan, angtungta hi. Mangpa Jesun zong Van a akading kuonin, nauzuite kung ah van ah a katou ding a, Hamuonpa Hagau Siengthou ang kumsuh ding zong amagen hi. A genkhawl bangin, ang tungta hi. Tualeh, Jesu khu van ah katou in, Hagau Siengthou khu hing kumsuhin, tuachin leitung/khawvel ah hattuum khu khantanhoi gen ding in ang ding khieta hi. Tamkhu, Pentecost tun a

gasuo atawmkim in, a chithei ding hi. Tuaziehin, Hagau Siengthou leh Mangpa Jesu, hattuom dinkhie chite kikhenlouin, akizawp chiet ahidan zong i muthei uhi. Tuaziehin, Mangpa Jesu van ah katou in, Hagau Siengthou hing kum suh in, Hattuom hing ding khie in, leitung/khawel kawkilli ah khantanhoi puongzah ding in ang kithezahta hi.

2). Pentecost masang leh Pentecost zou a Hagau Siengthou nnasepdan i suiding uhi.

Hagau Siengthou nnasepna khu Pentecost ni a hing kipan giap a, tua-masang lam a umlou bang a i ngaikhah ding uh a dihsih hi. Thuhunlui hunlaiin, zong Hagau Siengthou nnasepna Pasian mite tung ah ana um zingthou a, ahin, khelna leh Pasian deilou lam hinkhuo a hinkhah/bawlkah chiengun Hagau Siengthouin anataisan zelzel uhi. Etsahna ding Lengpa/Kumpi Saul, Samson leh Davidte khun khelna ang bawl chieng un Hagau in a taisan thute i mu uhi. Thuhuntha hun in a hileh, mi piengthate khu Hagau siengthou a chiemte (seal) in i um ua, khatvei Hagau Siengthou pieh a i umchieng un ang potsan nawnsih hi. Tuabanah, Hagau Siengthou neite bou khu rapture chiengin lahtou a umdingte i hi uhi.

3). Mangpa Jesun nuazuite khu Jerusalem nuasie lou a thumang tah a ngah ding in thu a pie hi.

Mangpa Jesun a damlai a agenbangin, nuazui misiengthou mi za-le-sawmni (120)-velte in, chitah leh lungsim mun khat puo a, lungluttahin, Jerusalem inn dan tungnung a theitop suo in, Hagau Siengthou ngah a, a thumlaiun, Pentecost ni-in, Hagau Siengthou a tunguah ang tungta uhi. Tamnah, Hagau siengthou tunna dingin, thumanna, lungsim munkhat puohna, thumna leh kipumkhatna a kulin a poimaw hi. Tunin zong, eite lah a, Hagau Siengthou angton theina dingin, hattuom chin teng in tamte ma i kul un, i poimaw zing na lai uhi. Tuabanah, inn dan tungnung in, a etsah ahileh mi dang sang sang zaw a Pasian a ding panlahna leh kikoi tuomna zong akawhthei ding hi. Eite zong Hagau Siengthou pawlna i tantheina ding un, midang sang a i kikoi tuom ua, pan zong ilah ding uh etsahna ahi hi.

4). Pentecost ni a Hagau Siengthou tunthu.

A genkhawlsa bangin Pentecost ni-in, Hagau Siengthou khu huipi bangin, angtungta hi. Tuachin, lei bangin ang kihawmzahta a, atung uah a tuchietta a, abawn un Hagau in a dimta ua, hamtuom/hamdang

in zong a ahamta uhi. Tamte khu i hilchien ding uhi. Tualeh, Hagau-in, a pieh bangin hamtuom/hamdangin, thu a genta uhi. Tamna, hatuom kichi khu milim khen khatte khun, hamtheilou, aumzie (meaning) zong kitheilou a hamna hi in a gen ua, ahin, tamna a gennuom ahileh pen, hamtuom chiin, ‘sapham, Hindi ham’, aumzie kitheite genna ahi hi. Ham tuomin, a ham ua, ahin amauh pienpi hamchietin a za uhi. Sawltah Paul, hamthei lou a thu tampi gen a theilou sangin, hamthei a tawmnou khat gen a a umzie thei a phatuom zaw a chi hi. Tuabanah, Hagauin, a dim chiet ua, Jesu a khet beh uh Mang leh hundamtu ahithu a thei uhi. Thamlouin, Jesu a shina a thou kia ngei ahi chin hangsantahin a tangkoup i uhi. Tuabanah, Sinai muol/tang a Dan Mosi in a puonkhieh ni-in, mi 3000-ten, ashilaw ua, Pentecost niin, Hagau Siengthou ziehin mi sangthum valten pienthana atanlaw uhi. Dan leh Hagau nnasepna kibahlouna i muthei uhi.

5). Hagau Silpiehte.

Pentecost ni a silting ziehin Hagau silpieh tuomtuomte zong itheita uhi (I Kor. 12:8-11). Hagau silpieh i dawn leh tante u’khu eima letna ding, lalna ding, thupina ding uh hilouin, Mangpa thupina ding leh a Manggam kehletna ding ahi zaw hi.

Tualeh, Hagau gate, Galatia 5:22-ate zong piehin i umta uhi. Tamte khu gingu pichingte hinkhuo ah ang gakh e ding hi.

6). Gingtuten Hagau Siengthou tung a i bawllou dingte uh.

i). Hagau Siengthou i suhmit sih ding uhi. (I Thes. 5:19).

I sungua teng/um Hagau Siengthou khu suhmit thei ahi. Pasian in, Thuhunlui hun laiin, “Na maitam uh na misahlou ding uh ahi” a chi bangin, i sung ua um Hagau Siengthou teng khu gingtuten khelna leh gitlouna hinkhuo i bawlkah chieh un da in alungkham a, tuachin a kuon ding bangtahn a kuongthei sih a, tuachin a mit leng hi. Hagau Siengthou kuonna ding in, nichin Bible sim zing, biehin kai zing, ann ngawl thumna, silpieh a gin umna, Manggam nnasepna leh a dangte khun i hagau ua ding a mei kitaw kuong toh kibang ahi. Tamte i bawllou chieng un i hagau uh a mitin ahatlouthei hi.

ii). Hagau Siengthou sulungkham sin.

Jesu Khris i Mang leh hundampa i pom chiengun, Hagau Siengthou a seal/ chiemte ihi uhi (Ephes 4; 30). Ta gilouten nu-le-pa lungkhamna tuntut a hibangin, Pasian deilou bang a i um khah chieng i sungua

un Hagau Sieng a lungkham sah leng uhi.

7). Hagau a dim a um ding Pasion in ang dei hi.

Paulin, Ephesa 5; 8-ah, silni dang lam tahtahte a tekah hi. tuate, “Zu dawn mi khu a hinkhuo u’khu zu in a thunun a, tuama bangin, Hagau a dimte zong Hagauin a thunun ding hi” a chi hi. Dr. Merril khun, Ephesa 5:8-a, “Hagau a dim in um un” chi khu tambangin a gen hi. “Gingtu dihtahte khu Hagau a dim a dimzou chiengun a kisuhguoh maimai nawnsih sih uh” a chi hi. Tuabanah, Jesun, Johan 7:38-ah, Hagau a dimte

umdan/dinmun tambangin ang hi a, “Koi zong Kei hing gingta khu Pasion Laibu in a gen bangin Ama apatin tui hing a luong zing ding hi” a chi hi. Tam tui luong khu a kang ngai sih ding a, Amazon tui suogiet khu bangzat vei buokhie/luohkhie lei zong a kiem ngaisih ding hi. Wesh gam a halthana atunlai a, a thumna kam teng khat uh ahileh, “Hing sudimin, Hagau Siengthou na belte lah ah kei ka neupen a, ahin kei zong ka luon liemtheina ding in” a chi uhi. Tambangin, eiten zong, Hagau Siengthou pawlna i tantheina ding un theitopin i thumzing ding uhi.

SABBATH MAW PASIANNI?

- Rendered by.

M. Gouginsang B.Th. M.Th.

Gingtu tamtah te ibuai zel na uh Sabbath ni leh Pasion ni zah dan tung tang ahi. Tami tungtang mi siam leh minthang John R. Rice in ana gel ‘Twelve Tremendous Themes’ kichi laibu sung a ‘Sunday or Sabbath?’ chia ana gel na ah Bible apat dawnna (Answer from the Bible) apiah pen tomnou in sim vai. Bible Changte kigel detdet lou ahi man in simtu te’n eima Bible toh napang chiet ding in ikichiel hi. Thei ding a poimo khat chu, Sabbath ichi Chiang un ikibang suah sih ua, Christian te toh gin dan kinai deu pen te khu Seven Day Adventist te ahi uhi.

1. Sabbath khu Israel te kipia Mosi dan ahi

New Testament ah Sabbath tungtang a gahna a umlou bang in, Sinai tang a Dan Sawm (Ten Commandments) kipieh masang in dan ana um tuom

sih hi. (Siem. 2:1-3) Pasion in silsiem te azo nua ni sagi ni in a tawldam hi achia. Hinanleh Eden huan ah Adam leh ama ban a mi te Enoch, Noah, Abraham te khang a ki zui kha tuomlou hi. (Siem. 29:27; 8:10-12

leh Pawt.16:23-26) te apat Sabbath ana zah khahlou uh achian hi. Tua mai hilou in Sabbath kichi thumal khu Bible sung ah (Pawt.16:23) a kimu pan hi. (Nehemiah 9:13-14; Ezekiel 20:10-12) ah Sabbath khu Sinai tang a Pasian Israel te adding a Mosi tungtawn a ana pieh chi achieng hi.

2. Thuhunlui Sabbath khu Thuhuntha dan hilou hi

Thuhunlui Sabbath khu Pasian leh Israel-te kal a thuhun chiemta na dan a pieh ahi (Pawtdohna 31:12,13,16,17) "...tami kei leh Israel tate kikaal a kumtawn thuhun chiemte na ahi, ... nisagi ni'n akhawl a, atawldam ta hi." Tualeh (Ezekiel 20:12) ah zong tam bang ma in khawlni khu Pasian leh Israel te kal a chiemte na thuhun dan in pia hi. Sabbath ni ichi chiang in ni sagi (seventh day, Saturday) china ahi. Thuhunlui banglou tah in Thuhuntha ah Sabbath ni zui ding thu naki gen lou zo hi. Dan sawm kipe te lah a Sabbath zui khah lou pen khelna in zong ana sim sih hi. (John 5:18) ah Sabbath Jui lou ziah leh Pasian ka Pa ahi achi zieh in Jew mi ten Jesu amuda mama uhi. (Matthew 12:1-8) a Sabbath ni a nuazui te gilkiel in Buvuite aneh lai un Pharisaiten amu ua, Jesu kung a aheh lai un Jesun Hichin adawng hi, "Ahivang in nouten kithoina hilou in zangaina

kadei hi, chi umdan na theita hi ulechin mawna neilou khu siemlou tangsah lou ding hive uchin," ana chi hi. Sabbath khu dan ahia Jesu'n ana zo ahita hi. (Kolosa 2:14) "Bat nalai dan thupieh aum hing kal gige pen khu cross ah kilbeh in alamangta." Tualeh (Mark 2:28) in hichin gen hi, "Tuaziah in Mihing Tapa khu Khawlni Mangpa zong ahi."

Jesu'n zong anuazui te Sabbath ni Jui ding leh Tang ding in ana hil khasih a, tua mabang in ama hun nua in Nuazui ten zong Khristiante ana hil khasih uhi. (Nasepte 15:19-24) Khristian Council masa pen Jerusalem Council in Jentelte Pasian lam a hing kihei lutte tungtang agen na uah zong Sabbath ni tang ding agen kha sih uhi. Thuhuntha lekhabu Hebrute leh Juda khu Israel gam tuamtuam a teng te ading a ana kigiel dieh ahia, hinanlah Sabbath Jui ding thu ana gen tel sih hi. Thuhuntha a Paul in Hattuumte kunga a alekhathot teng ah zong Sabbath zui ding ana kigen khasih hi. Tuaziehin Sabbath khu Thuhunlui dan ahia Thuhuntha dan hilou hi.

3. Gingtu/Khristian te ading in bang ni zui ding diai

Sabbath ni pen khawldamna ni ahia (Pawt. 20:10). Tami ni in Israelte khawldam ding thupiah ahi uhi. Hinanleh Temple sung a nasem

siampute khawldamlou a na sem uh hi chi (Matthew 12:5) thei thei ahi ama uh abua tuam sih uhi. khawldamna ni pen biehnna ni a nazang dieh uhi. hinanleh Thuhunlui leh Thuhuntha kikal lah ah Sabbath ni in Synnagogue a peikhawm a biehnna zah ang kithang hi. Hinanleh adan ua Synnagogue a peikhawm a biekhawm ding chi ana um tuamlou hi.

Thuhuntha ah zong Jesu ahi in, Paul in zong Sabbath ni in mipite toh kikhawm khawm in Pasion thu nahil zel uhi. ahivang in tami ziah a Sabbath ni zui teitei ding china hipai samlou hi. Tu khang a Pasion mizah thugen siam ten hun aguut ua Pasion thu ahi uh bang hiding hi. (Kolosa 2:16) "...kholni thu ahiei ah koiman route hing mosah da heh," tami dungzui in mi khat in nikhat Pasien biahna a setuam anei pen khoh lou hi. Thuhuntha a hattuum ten zong Sabbath ni in akikhawm uh chi zong umlou hi. (Nasepte 20:7) ah nuazui te nipikaal ni masa pen ah Tanghou balkeh ding in peikhawm zel uh hi. (I Korinth 16:2) ah zong biehnna toh kisai in nipikal ni masa pen ah peikhawm zel uh chi muthei hi.

4. Sabbath Ni leh Pasianni kibahlou na

I. Sabbath ni khu nipi kal ni sagini ahia, Pasianni khu Nipi

kal ni masa pen ni a zah ahi.

- II. Sabbath ni khu Israelte ading a pieh, Mosi dan ahia, Pasianni Khu Thuntha ah Lungsiatna atan uh etsah in biahna ni in kizang hi.
- III. Sabbath dan in azuilou te shina tan tuah ding in ana thutan hi (Kisim. 15:32-36). Pasianni pen Lungsiatna zal in gahna umlou a, mimal lungsim a hing kuon leh kipieh zoudan a zah ahi.
- IV. Sabbath ni khu tahsa tawldamna ni a zah ahi (Pawt. 20:10). Pasianni khu biekhawmna ni a zah ahi (Acts 20:7)
- V. Sabbath ah naasep in mi asuahta sah a, Pasianni in Lungsiatna zal a suotatna itan uh a ensah hi.

5. Nipi kal masapen in Hagaulam thu agen dan

Bible ah guh (6) khu mihing number ahia, sagi (7) khu Pasion number bukim ahi. Niguh sung nasem a, Sabbath ni khawldam zel mihing in Sabbath dan hoitah in zui hi chithei hi. Bangteng hitaleh, Mihing khu Dan a te a ching umlou a, zong bukimlou hi Chi (Nasepte 15:10; Rom 3:20; Galatia 2:21; 3:11) ah muthei hi. Hinanleh thuhuntha ah Christian ten Ni masapen a Pasion abieh uh pen in Hutdamna khu

anasep masang un atang ta ua, Hundampa Loupi nading in naa asem uhi (Hebru 4:9, 10). Mangpa Jesu khu nipikal a ni masapen in haan apat athou hi chi imu uhi. (Matthew 16:2, 9). Mangpa Jesun lei a alen lai in Sabbath ni zui ding ana gen sih a, hinanleh keima Sabbath Pasian kahi ana chi hi (Matthew 12:18)

Thusinkhup Khristiante ading a Pasianni pen biekhawmna ni a zah ahi na ah, ahithe tan a nasepte khawlsan a biekhawmna zah apoimo hi. Hinanleh tami ni pen tahsa nopsah nading leh sil hoilou bawl na mai a zah lou ding ahi (Galatia 5:13). Tua nahsanga Pasian loupi nading leh eima hoina ding a zah zoh ding ahi. Ni zah dan ah mite kisubuai sah lou a tualeh mi zah dan te va subuai tuamlou khu ahoi hi.

Thupil thei tuohte

- = Thu dihna leh chitahna khu hoina zousie kipatna ahi.
- = Sil zousie na mansuo nung in Pasian na neithe nalai hi.
- = Lawsap leh thuohgimna khu jillai hoipen ahi.
- = Nang ki siemhoi leh chin khovel ana hoi mai ding hi.
- = Tu mama a nasepthei khu zing chieng a din koi sin.
- = Melhoina dihtah khu lungsim hoi ahi.
- = Koimuot sang in zahkhiet ahoizaw hi.
- = Theina tawm khu sil zau huoi ahi.
- = It a um sang in nuol a um ahoizaw.
- = Midangte ngaidam inlen nang leh nang kingaidam sin.
- = Mi it huoi kichi khu mi kiniemkhiet te ahi uhi.
- = Buoina umlouna ah lamkai ding atam hi.
- = Silhoi khat susetu apan pen tuolthana chikhat ahi.
- = Laibu manphatna khu asimtu in azui leh a zuilou ah kinga hi.
- = Mi hoi in apaah amu a, migilou in ahing mai amu hi.
- = Umdan sang in thugen in mi lungthah suobai zaw hi.
- = Siemna thupipen khu eima kimanghil khop a, midangte adia kizah ahi.
- = Luikhuh tui akan masang in amanphatdan kitheilou hi.
- = Na bawl ding na thei louleh na bawllou ding beh thei in.
- = Nasiemna sang in, na umdan kizatat zaw hi.
- = Mi'n hing theiva na chite bawl sin.
- = Zi hoi leh damtheina khu Pasal goumanpha pente ahi.
- = Daan tamna mun ah nehguhna atam deu hi.

- = Haan tunga muolsuong daw sangin, nasep hoi khu theizong na muolsuong thupizaw ahi.
- = Mihau pen in zong tahsap anei veve hi.
- = Na dei zousie leisin len, na poimaw teng maibou lei in.
- = Mihing in anuom ding a lunggul seng zieh un hamsatna a tuoh tam uh.
- = Khantouna dinga silpoimaw ahileh sil thate genkhiet zel ahi.
- = Pupa tawndan iniemkietna ding ahileh zuilou ahoi ahi.
- = Mipil na thuhil leh ang ngainat law ding hi.
- = Lungkhamna aum leh kipahna in azui zel.
- = Na bawl zousie hisap ditdet lechin bawlkhiel aum sih ding.
- = Thou inlen naphahtopna tun masang khawl sin.
- = Kiheng lam dangna umlou in masawna aumthei sih.
- = Suhdam sangin, kiven ahoizaw.
- = Bawl ding tampi neisang in, bawl ding neilou abuai huoi zaw.
- = Damtheina khu hausatna chikhat ahi.
- = Hausatna hilou in, kukalna in lawchinna atun zaw.
- = Ang ittu ding mi na mu sih leh, nang beh in mi va it in.
- = Sil hoilou bawlsate topsan khu kisiana dihpén ahi.
- = Numei kamsiem loute, sumsui a siem sih uh.
- = Sep hauten, sepkhiet ahau uhi.
- = Vaihawm siemlouten amawpuohna uh zou ngailou uh.
- = Vaihawm siemlouten, midangte thuzaw theilou ahi.
- = Midangte kunga mawpuohna pesawn theiloute abuai zel uhi.
- = Mi kukal lou in alunglutnate mi lah ah agen zelzel uhi.
- = Gam leh nam siemphatna dinga vanzat thupi khu laigiel ahi.
- = Tehsete hasesah mi alamzang sih ding.
- = Sepdan, chindan, tha neiloute, khangtou ngailou ding.
- = Mahni kithunun theiloute nitengin lawsaplam ama naw ding uhi.
- = Pasian neiloute atan toh un a lungkim thei sih uhi.
- = Mahni angkhuol sengte pientha louna symbol ahi.
- = Mi thupi leh minthang ichite sil noungeel taha suikhete ahi.
- = Mi gensiet hatte khovel a neuté china ahi.
- = Mipil in a hunte bangma lou in a zang bei ngai sih.
- = Hun manphatdan theilou mi nuodelte ahi.
- = Vaihawmdan siemloute, anung zuiten thu lah lou uhi.
- = Abuai deu gigete akizen pente hituonlou uhi.
- = Mawpuohna (Portfolio) deite asempeite ahisih ua, mawpuohna deiloute asemthanuomte ana hizaw uh.

.....

YOUTH CORNER:
FIFA WORLD CUP RUSSIA · 2018
(Muanna Ahsi March issue pat)

Khovel pumpi bildaw pen leh final khat akizaw chieng leh kum (4) zou a hing tung kia zel silkhat khu FIFA WORLD CUP khu ahi. Tukum zong ngah doh kia khongkhong ding ihita ua, (mu teitei chingam umsih nanlei) June 14, 2018 ni chieng a zintuntu Russia in Saudi Arabia maituota ding hi. Azin tuntu a dingin dipkuot huoi van in, akipat ni a amuolphou lou hamham sawm ding uhi. Zawna pen lei thei hileh aman tam taluo umlou ding hi. Saudi Arabia kipah dingdan pen opening match ah koi e thanuom lou ding Final match pen July 15, 2018 nitah chieng koiten Champion hina TROPHY ang kidop tading uoi le chi khovel in abuoipi pen ahi. Tunia igen nop pen ahileh tutung lamdang tah a WORLD CUP pehthei ding a hing lutte la ana peh zing tukum a chingtalou te apat hagau lam ah jil ding poimawte va en khawm va ui. Foot ball pen lamdang tah ahia, genthei zong aum sih Zogaal Memorial Shield kituna a UKB leh Zogene FC akimawl lai un. Zogene FC ten UKB lam ah GOAL khat hing khum pai mai ua, hinanleh UKB fanste lungkham hetlou in hasa loutaha goal tampi hing khum ding a akinep lai un hing pehlut ua, draw penalty shoot out a guollelna atuoh uh pen a en zousien theizing ding ahi uhi. Puahnat lou ding ichi chi lai a final match en zousien UKB miss amama va uh chi ahi. Tambang in tutung World Cup a ching zoulou lamdang tahtah aum ua, Mukha ngai ding a gintat umlou bangzat ahiei zong nana mu ding uhi. World Cup a kilang tampen Final zong kaizing a TROPHY dom khalou lainatpi umtah khu Holland (Netherland) zong kichi gam khu ahi ua, khovel player minthang tah teamte tukum mulou ding ihi tamai uhi. A chin zoulou chieng un International team apang non lou ding a kipuon Arjen Robben lungthuoina meel va mu khu lungsiet aumta seng hi. Tam gam ah khun foot baller minthang tahtah John Cryuff, Ruud Gullit, Marcovan Basten, Frank Rijkaard, Dennis Bergkamp, Robin van persie, Edwin Van dersar, Wesley Sneijder, Frank de=Boer, Patrick Klui vert, Ruud van Nistelrooy, Clarence Seed orf., Edgar Davids, Marc Over mars, Dirk Kuyt, Danny Blind leh a dangdang tampi kovel theikham a siem tungtuong tamza ana umna gam world cup champion la ana hi. Khalou tutung a kailou nalai maipen DUTCH NAM a ding in lunglel um mama va. 1986 world Cup apat anapang tou den tutunga mulou ding khu USA team zong ahi.

Khovel a gam zaumtah gam apat hing ching zoulou pen asaitute mai in zong da-um sa mama va uh. Koi hileh match en dinga Russia gam lenlut zungzung maipen hamsa het lou ding ahi. Lamka apat CC meet en a kuon sang in zong bailam sazaw phiel ding uhi. Hinanleh amau gam kailou/shi nunga avapei khoh khoh ding uh kinep um senglou hi. Bang hun ah zong kaingailou ding India te gam tuomtuom fans apang a ina kihau law hilhiel zel pen uh hing hilou deu hi. USA a ding a anat diehna pen Panama goal 4-0 ah zou a amatch kia ua, Trinidad & Tobago 1-2 a azaw lou nauh adieha Omar Gonzalez in amau goal a akhummkhah zieh ahi nalai hi. Foot ball a mi gintat khela ang hat leh minthang South American Continent a Champion Argentina te Penalty school out a ana zou Chile te tukuma mu khah lou ding ana hiziehin Alexsis Sanchez. Arturo Vidal, Equardo Vargas, Clardio Bravo te zong mukha lou ding ana hi china ahi. Foot ball siem chit chiet hinapi'n World Cup a abawl hoi uleh aminthanna uleh athupina uh kibelap ahi leng hi. Alexsis Sanchez in kithupisahna ding neilou ahi phot ta. Tulai a amin a kigen zieh pen khu Arsenal nuosie a Manchester United a zop thu ahi phot hi. Africa gam buppi apat ana kimuzel minthang mama te tutungin mukhah lou dingte khu Ghana, Ivory Coast, Cameroon, South Africa chite vel ahi. Ghanate tel munop umsalou mi tamlou ding ahi. Hinanleh tutunga kaizoulou ahita uhi. Cameroonte tel anopna tuom tah khat um ahi. Hinanleh amau zong tutung mulou phot ding ihita. Europe gam apat mukhah lou dinga kilangte khu Czech Republic Freece, Norway, Wales, Italy chite ahi uh World Cup Trophy ana dom ngaita Italy tutunga melmuta lou dinga um thawmhau huoi chilou theilou ahi. Apanpi zong atam thei mama ua, puohnat um dieh khat khu a goal keeper minthang tah uh Gianluigi Buffon pen World Cup kia chieng a zong tel thei nonlou ding ahi. Tuin ama kum 39 ahita player lah a upa pen zong ahi. Ama toh international match apang non lou dingte Dannialle De-Rossi, Georgic Chelli ni te ahi uh. Kimkhatte dinga liim lai nite, kimkhatte a ding a kana chi ana um kha zelzel a, khovel a kinepna a thawm atam lai in kinep phahlou kei in tukum hi in, nidang ah gam min nasen Geography lam ah navah mama te lounal in a theikhah lou ding gam, mihing 350,000/- chau tenna gam (Imphal East District sang a zong mihing lakh khat sang a tawmzaw nalai) Iceland te World Cup ah mu ding ihi uhi! World Cup 2018 fixture va en mai vawi. Mit nuoi zen in enpha kia in. Fixture ah Iceland ana um mai uhi. Amatch masapen uh June 16, 2018 6:30pm in Argentina maituo ding ahi uhi. Mihing maktaduai

sangkhat (Billion) val umna India bang hun a zong kailou dinga i koi lai un tam mi tomnou khat tenna gam Iceland pen tutung ah khun ana mu ding ihi uhi. Tuma deu a World Cup a ina mu ukhu Trinidad & Tabago ahi. 1:3 Million umna gam. Tutung a USA te kiet lawna zong amau bawl ahi. Amauh zong la koi tuonlou Panama gam min theikhalou kitam va. Nidang lai in Cigarrete min ana kithang a, gam min zong ahi lam a thei lou kium sausau va, hinanleh tukum World Cup mu ding nahi uhi. Akaina ding uai Costa Rica te 2-1 in ana zou ua (Costa Rice zong match dang bawl hoi ziehin akai thou ua) Agam ua ding a ni thupi a suoh a, kipah seng ziehin a President uh Zun Carlos Varela in azing ni pen HOLIDAY in a puong top hi. Ana en himhimin Panamate match masapen June 18 nitah 8:30 ah Play minthang Courtois, Vincent Company Lukaku, De Bruyne, Eden Hazard, Benteke lawi umna Belgium maituo ding uhi. Footbawl thumai ahisih. World Cup kum ahi ziehin sau deutah kigiel ahia, hachin a gel ding zong hing um ding ahi. Tuni tana isimna tan uah khun hagau lam ah bangjil ding um in na thei ei? Tam anei a te chiemte vaui.

1. World Cup khu kumli dan a kitaidemna ahia, tamna pang thei dingte kumni sung kidemna sangtah gimtah leh lungsim sengtah a qualifying match a hing tel uhi. Abul apat bawl hoi ngai ahi. Khovel kitaidemna lah a khovel etnop pen ahi bang in abawl hoiten minthanna leh kipahman zong asang uhi. Gingtute kitaidemna bang toh banga ibawl hoi uh angai ei? Chi muthei ahi.
2. Koiman simmaw a nuoisie thei ahi sih. Mi amauh kham chiet a kihambawl ahi uhi. Kisakhholna hoitah apoimaw zing hi. Na theiloukal in mi'n hing makhel thei ahi. Khumbang ahi laiin na melmapa SETAN in hing suhsiet sawm teitei in pan ala zing hi.
3. Gam minthang tahtah te ching zou lou a aum bang un, ei zong iguolzawnasa, i lawchinnasa te ngansie thei sih vai. Hun china kigin zing apoimaw a, bawlhoi sang a ahoi zaw dinga kisah khawl angai zaw hi.
4. Mihing tam leh tawm thu ahi sih khovel a mihing tamna pente akai lou lai ua, gam neote hing kai in lawchinna pen mitam ah akinga sih a, pankhawm ahoi hi chi imuthei hi.
5. Asiem koi ahei khat zieh mai ahisih TEAM hoi angai zing ahi. Gel theithehi hakia chieng awle...!

HAGAU BIEHNA

By: Rev. Zamlianpau
Lamka District, Biel Pastor.

Tu hun nununga Hattuumte pilvang nan leh kisingsahna ding kul leh poimaw mama, lah mitampite pui mang thei paipai khu **“Hagau Biehna”** ahi. I Laisiengthou in kichientah in agen hi. “Hinanleh, tunung chieng in mi khenkhat te’n puimangna Hagau leh dawite thuhilna dihloou ngaisah in, a ginna uh ataisan ding uhi..... (I Tim. 4:1). Tu in i theilou kal in i lah a ahingtungta hi. Tuni tan in tam siltung lamkai tampitah i theikhah lou/ngaisah khol lou chi lei kikhiel lou ding hi.

Hagau biehna khu leitung kidoupi khatna hunlaia mishisate /ha/ Hagaute toh kithuzah (kihoup) lunggulna lien mama ahi hi. Hun hingpei zel in, kidoupi nina hing ven a kipan a uang semsem hi. Sa leh gala kidouna leh shina mulkinhuoi thuo a, lungsim leh tahsa mama in nasatah a thuoh banah tate, u-leh-nau, nu-le-pa, zi leh pasalte suun a lungdong/beidong topkhoh a umna a kipan tuabang a hasatna tuohmite lungsim leh ngaituona ah shina natua sate Hagaute bangchih in aum uoi, lungkim, hamuong, nuamsa leh anusiette uh thei umaw, chi thei utna neite apat a pieng ahi. Tambang lunggulna hattah a setan kigol in, dawi leh Hagau tungtawn a

kithuzah (kihoup) thei banga gintatna um in, Pasian lam nga a Ama a kilungmuon sang in, Hagau biehna ah mite pulut in um paipai hi. Huchin, atah hilou, setan nasepna mishi sate ‘Hagaute houp thei or muthei ding banga ngaituo uhi.

Tu kum zabi 21 i lut a i thei ding leh pilvanna ding poimaw penpente lah a khat khu “Dawi/ Hagau” buoipi mite lah a pangkha ding ahi. Leitung ah pilna, siemna, hasatna, thupina leh silbawlkhieta khang hat mama a, ei singtang dawn a tengte lah tandong a Star Tv. Computer (Internet, E-mail, Pornagraphy etc) Movies (Sci-fi, horror, psycho-manias, future

world, star wars, etc) leh hinkhuo thanguoi mama te innsung a mu leh chiin in umta hi. A khodieh in Tv. Movies leh Internet tungtawn a i khanglaite lah a sietna mulkimhuoi hingtung zelzel leh hing uong semsem ding khu - Numei-pasal kaal thanguoina, lungsim subuoi leh thuzawthei dawi-biehna leh tunung hun sil um ding dan a gintat limchingte ahi. Tamte lah a gingtu tampite ginna niemsah a, tawpsan/khawlsan sah mulkimhuoi mama khu Hagau biehnah ahi. Tam silte khanglaite lah a hinglut panpanta hi. Nu-le-pa leh Hattuum lamkaiten tuban kum kivei manlou phiel a ibuoipi mama ding uh gintathuoi mama hi. Tuaziehn Hagau biehnah khu sut thei dandan in i sutkhawm ding hi.

Hagau biehnah a mite puilut a umnah zieh khenkhatte:

1. Siltheichien ut zieh: Meivah in thousi abop bangin sil chituom deu leh lamdang deu theichien ut luotna nei mite “Hagau biehnah” ah a putkha zelzel uhi. Tuabang mite a tangpiin theichiet utna leh panlahna a lungsim sieng leh tupna hoitah toh a kipan chiet

uhi. Hinanleh zong, tupnah hoi neina in amaute humbit tuonlou hi. “Pasian panglou a mihing pilna toh tupnah hoi nei a silsui khu naupang temtah hiemtah leh hoi mama a um a, azat tam pou leh liem nasa semsem bang ahi. Mihing ngaituonah khellam silte zousie theichien lunggulnah hat mama mite hibang “Hagau biehnah” lam a lutkha tangpi uhi.

2. Lusunnah/shinah: Shinah ziehah lusunnah thuoh a sun mama mite Hagau biehnah ah alutbai mama uhi. Amaute’n a it mama uh a shisate um ding dan thei utnah lienpi nei uah, tuabang theichiennah a kipan hamuonah leh lungkimnah mu kilamen uhi. Tualeh a shisate Hagaute’n a nuasiet innkuonte uh lunggul uo, hamuong tah a um ahi uoi? Amaute toh bang chi a kithuzah thei ding chi chiet utnah hat mama nei uhi. Tua chin Pasian in **A phuol guh** thute leh silte thei atupnah uah setan in a maute thuzaw in thuneikhum pai a, atah hilou, zuau leh alim silte musah in zasah a, a ut bangbang in khem zelzel hi.

ZPWF COLUMN

March 29th to April 27th, 2018 sung a

Tunnu Limbel panpinapete:

1. Pi Niangpi w/o Hausuanthang (MDC), Zomi Colony	Rs.	1,000
2. Pa Khaiminlian, Lailamveng	Rs.	1,200
3. Nu Chiinsian, Thingkangphai	Rs.	500
4. Nh. Chingkhoniang, Singngat	Rs.	200
5. Mrs. Flora Hatnu, UK	RS.	30,000
6. Pa Kamkhogin, Central Church	Rs.	400
7. PWF Central Church Anntang Kg. 109 &	Rs.	2,020
8. Nh. Dimneihaus d/o Ginkhanlam, Tongdam 1st Pay 1/2 apieh	Rs.	12,000
9. Nu Nousuanching, Central Church	Rs.	500
10. Upa Nengsuanhau, M. Buangmun	Rs.	500
11. Nu Vungkhanching, LDCC Hiangzou	Rs.	1,000
12. Pa Jacob Suankhanlian, Lailamveng	Rs.	500
13. Upa Nehkthothang, Tuilaphai	Rs.	200
14. Nu Chinggouman, Thingkangphai apat:		
1. Chini	Kg.	5
2. Chi	Kg.	5
3. Chapati	Kg.1/2 (half Kg.)	
4. Havai	Kg. 5	
5. Anntang	1/2 (half bag khat)	

*** Presbyterian Church of India, Muollum Hachin Tunnu Limbel panpina (April, 2018):**

1. Pa Thangkhsuan	Rs.	110	11. Nu Niangngaiching	Rs.	10
2. Upa Lunmang & Family	Rs.	200	12. Nu Vahsi	Rs.	20
3. Nu Boivung	Rs.	70	13. Pa Hangsuanthang	Rs.	20
4. Nu Nianghauching	Rs.	10	14. Nu Nuamkhanngai	Rs.	20
5. Pi Dimkhannel	Rs.	20	15. Nu Chinghat	Rs.	20
6. Pa Suanpau	Rs.	100	16. Nu Manneilam	Rs.	20
7. Nu Suanniang	Rs.	40	17. Nu Hahat	Rs.	10
8. Nu Chingngaimang	Rs.	10	18. Rev. Dr. Hangpi Manlun	Rs.	180
9. Upa Chingenpau	Rs.	300	19. Nu Nuamhoikim	Rs.	15
10. Nu Vungsuanching	Rs.	50	20. Upa Zamthang	Rs.	100

21. Sye David Kap	Rs. 10	14. Nu Vungngailian	Rs. 40
22. Nu Chingngainuam	Rs. 20	15. Pa Kam en thang	Rs. 10
23. Nu Deikhanching	Rs. 20	16. Pa Hangsuanthang	Rs. 40
24. Pi Vungzanem	Rs. 10	17. Nu Nuamkhanngai	Rs. 30
25. Nh. Ngaineinuam	Rs. 20	18. Nu Zekhochiin	Rs. 30
26. Nh. Hoineikim	Rs. 20	19. Nu Manneilam	Rs. 10
27. Pa Thangkhanlam	Rs. 30	20. Nu Chinzahat	Rs. 10
28. Nu Vungtum	Rs. 50	21. Tv. Thanglianpau	Rs. 10
29. Nu Ngaikhanniang	Rs. 10	22. Rev. Dr. Hangpi Manlun	Rs. 170
30. Tv. Khamlianlunlal	Rs. 70	23. Nu Nuamhoikim	Rs. 10
31. Nu Kimneiching	Rs. 10	24. Upa Zamthang	Rs. 200
* Presbyterian Church of India, Muollum Hachin Tunnu Limbel panpina (March, 2018):		25. Sye David Kap	Rs. 70
1. Pa Thangkhanhsuan	Rs. 120	26. Tv. Min Zou	Rs. 30
2. Upanu Vialvung	Rs. 50	27. Pa Chinzamuan	Rs. 40
3. Nu Zouching	Rs. 170	28. Nu Vungnuamching	Rs. 110
4. Nu Boivung	Rs. 70	29. Nu Chingngainuam	Rs. 20
5. Nu Nianghauching	Rs. 20	30. Nu Kimneiching	Rs. 10
6. Pi Dimkhannel	Rs. 20	31. Nh. Deikhanching	Rs. 25
7. Nu Paungainiang	Rs. 10	32. Nu Chinneingai	Rs. 50
8. Nu Nemneivung	Rs. 100	33. Pi Vungzanem	Rs. 15
9. Nu Chingngaimang	Rs. 50	34. Nu Nuamneu	Rs. 60
10. Upa Chingenpau	Rs. 100	35. Nu Ngaiching	Rs. 50
11. Nu Ngaikhanniang	Rs. 20	36. Nh. Ngaineinuam	Rs. 60
12. Nu Vungsuanching	Rs. 60	37. Nh. Hoineikim	Rs. 60
13. Nu Dimhoiching	Rs. 20	<i>Petu zousia Mangpan hing guolzawl zing ta hen!</i>	
		<i>Adihloute Office a suhdih theizing ahi.</i>	

Life Member Tha

Upa P. Doukholun, Tuibuong Hattuum a um in i Khristian Tangkou Life Member in hing pang tha hi. Maban ah a pang nuomte lam-et ding ahi

PATRON MEMBER-TE

1. Upa Gouzamang	2. Pu Hav. Khamchinkhup	3. Pu Khamzalam	4. Pu Chinzasuan
5. (L) Upa Liansuanpau	6. Pu Khamchinthang	7. Pu S.Dalthang	8. Upa Kapkhanthang
9. Upa Langginmang	10. Upa S. Nangkhanlal	11. Pu S. Lamkthothang	12. Upa Dr. M. Lachinkhai
13. Upa Khamchinjam	14. (L) Upa D.K.Manlun	15. Upa Suankhanmang	16. (L) Upa Khupgou
17. Upa Chinkham	18. Upa Ngulchinkham	19. (L) Rev. V. Vungzalian	20. Rev. Retd. Kamkhosoi
21. Rev. Retd. Tualzachin	22. Rev. (Rtd.) H. Nengzatun	23. Rev. Awnkhankhup	24. Rev. Dr. Hangpi Manlun Zou
25. (L) Pu Tuanzapau	26. (L) Rev. Ginchinjam	27. (L) Rev. Khamzasuan	28. Upa T. Lamkthohawng
29. Upa Khaichinmang	30. Rev. Stephen Chinzathang	31. Pu Khupkhanmang	32. Pu Khaidohlian
33. (L) Hav. Khamzahang	34. Pi Vungzanuam	35. Pu T. Gouzadou	36. Upa Liensuonkap
37. Pi Zelkhochiin	38. Pi Hatkhanvung	39. (L) Pi Ngaihoiching	40. Pi Mankhannieng
41. Pu Goukhanmang	42. Pi Chingzalam	43. Pu S. Thianzakhai	44. Pi Kamkhanching
45. Pu Haukhanpau	46. Pu Tuallianmang	47. (L) Pu Dongkap	48. (L) Pi Chingkhanmang
49. Pi Donkhonian	50. Upa Henzakhup	51. (L) Pu Saichinpau	52. Pu Goumang
53. (L) Upa Khamkhanhang	54. Shie Laangkhanlal	55. Pu Khamkhanlun	56. Upa L. Tualkhanpau
57. Upa Jamsianmung	58. Upa Ginzadong	59. Pu Kaizathang	60. Pi Goizanuom
61. Pi Thangneivah	62. Pu Khamzathang	63. Pi Donchin	64. Upa Liankhanmang
65. Pu Hauchinlun	66. Pu T. S. Lal	67. Pi Goichiin	68. Pu T. Khupchinthang
69. Upa T. Kaizalam	70. Pu Paul Henkholal	71. (L) Pu Soikham	72. Rev. P.C. Manga
73. Rev. Khamchinkhai	74. Rev. Jamlianpau	75. Rev. Chinzapau	76. Rev. Retd. Kamkhozam
77. Upa (L) Chinpu	78. Pu Zamkhanthang	79. Pu Chinglen	80. Miss Chinhaunieng
81. Upa P. K. Soia	82. Pu Goukhai	83. Pi Niangkhanmang	84. Evan. Retd. G.L. Joshya
85. Pi S. Chingkhanmang	86. (L) Pu Vumchinkhup	87. Upa Khaihenthang	88. Upa T. C. Pau
89. Upa Nengchinkap	90. (L) Upa Jamkhongam	91. Upa HT Manga	92. Mrs. Vahkhohling
93. Pu Hauliankap	94. Pi Chinnu	95. (L) Upa Ngulzakhai	96. (L) Upa T. Gougin
97. Pu Ginsuanhau	98. Upa (L) Langminthang	99. (L) Rev. David K.Samte	100. Upa T.S.K. Samte
101. Upa S.K. Khama	102. Pu Jamkhopao	103. Pu Thathang Taihul	104. Pu Kamkhankap
105. Bhim Prasad Ghatani	106. Rev. M. Kapsuanthang	107. Nu Chingneikim	108. Rev. Khupkhansuan
109. Pi Mannuamching	110. Rev. Kaimuanlal	111. Upa Nengkhanlian	112. Nh. Deborah Zou
113. Pu T. Kuppa	114. Rev. (L) Mangsuanthang	115. (L) Pu Lamchinhou	116. Upa Pauchinlel
117. Nu Kimneihoi	118. Upa Kamgenpau	119. Nh. Niangsuannuam	120. Nu Ngaikhanvung
121. Pu P. Sanjiv Zou	122. Upa M. Kaichinkham	123. Upa T. Sianchinpau	124. Upa Sianzahau
125. Pu L. Thenkhosoi	126. Pu Kamsuanhang	127. Upa Th. Kaikholam	128. Upa Lunchinthang
129. Pu P. Tongthang Zou	130. H. Nehzamang	131. Pu Thangsuankhup	132. Upa M. Kamzadou
133. Pu Jamkholian Munluo	134. Pu Sianzakhai	135. Upa Thangginsuan	

LIFE MEMBER-TE

01. Upa (L) T. Khupkhenpau	02. (L) Pu M. Ginzahau	03. (L) Pu Selzapau
04. Pu L.C. Pautungnung	05. (L) Pi Khamkhannieng	06. Pi Ngaiuom
07. Pu Chinsuanthang	08. Upa Shanti Kumar	09. Pu Kamkhohau
10. (L) Pu Khamkhohau	11. Upa Khamzathang	12. Upa Chinkhanthang
13. Pu Tongzathang	14. Pi Chiinneilam	15. Upa Kulthang
16. H/Sm. Upa Kaichinpau	17. Pi Niangzalam	18. Upa P. Doukholun

Spundelivered

Please return to:

The Editor

KHRIPTIAN TANGKOU

ZPCS Office, Zomi Colony

Churachandpur - 795 128

P.O. Box - 48, Manipur, India

Synod Office Telephone No. (03874) 235105

Website: zousynod.org | email: info@zousynod.org

zpcs@rediffmail.com/zousynod05@gmail.com

7a,

Edited and Published by the Editor on behalf of the Zou Presbyterian Church Synod